



LE GOUVERNEMENT
DU GRAND-DUCHÉ DE LUXEMBOURG
Ministère de la Santé
et de la Sécurité sociale

Äntwert vun der Madamm Ministesch fir Gesondheet a sozial Sécherheet op d'parlamentaresch Fro n° 3476 vum 16. Januar 2026 vun der honorabeler Deputéierte Madamm Alexandra Schoos.

1) Wéi héich falen d'Zousazkäschten déi duerch dësen Ajustement entstinn, insgesamt aus? Wéi vill zousätzlech Recetten erwaart d'Regierung sech vun der Erhéijung vun de Cotisatiounen ëm de gläiche Prozentsaz?

2) Fléisst d'Gehälterentwécklung am ëffentlechen Déngscht, déi mat der Berufserfahrung jo automatesch klëmmt, an d'Berechnung vum Ajustement mat an? Falls jo, gesäit d'Madamm Minister hei net d'Gefor vun enger statistescher Verzerrung? Kann d'Madamm Minister an deem Sënn matdeelen, wéi héich den Ajustement jeeweils mat an ouni d'Berécksiichtegung vum ëffentlechen Déngscht ausgefall wier?

Zanter der Reform vun 2012 gëtt den Term *Ajustement* am Code de la sécurité sociale net méi als legislativ Terminologie benotzt. Dësen Term gouf duerch d'Begrëffer *Revalorisation* a *Réajustement* ersat. D'Berechnung vun der éischter Pensioun baséiert op de Revenuen an engem Referenzniveau vun 1984, an all relevant Akommes aus de Berufsjore ginn op dësen Niveau reduzéiert an duerno iwwer de *Facteur de revalorisation* un den aktuelle Liewensniveau ugepasst fir d'Pensioun beim Pensiounsentrëtt ze berechnen. Dëse Faktor gëtt op Basis vun enger Method bestëmmt, déi 1991 vun engem tripartiten Aarbechtsgrupp festgeluecht gouf, an déi souwuel d'Lounentwécklung am Privatsecteur wéi och am ëffentlechen Déngscht berécksiichtegt.

De *Facteur de réajustement*, deen op Basis vun der Entwécklung vum *Facteur de revalorisation* gerechent gëtt, gëtt bei de lafende Pensioun applizéiert fir se weider un d'Lounentwécklung am Privatsecteur wéi och am ëffentlechen Déngscht unzepassen. D'Zousazkäschten, déi elo wéinst dësem *Réajustement* vun de lafende Pensiounen vun 1,5% den 1. Januar 2026 entstinn, belafen sech op 119 Milliounen Euro fir d'Pensiounskeess am Joer 2026. D'Zousazkäschte fir d'Regimenter vum ëffentlechen Déngscht sinn an dësem Montant net enthalen.

Gläichzäiteg bréngt d'Erhéijung vum Prozentsaz vu 24,0% op 25,5% zousätzlech Recettë fir d'Pensiounskeess, déi fir d'Joer 2026 op 524 Milliounen Euro geschätzt ginn. De Staatsbudget gëtt duerch dës Cotisatiounserhéijung och beaflosst, well d'Staatsbedeelegung an de sougenannten Déchêt fiscal zu enger Ausgab vun 270 Milliounen Euro am Joer 2026 féieren. Wann een d'Erhéijung vun de Recetten op der enger Säit an d'Erhéijung vun de Staatskäschten op der anerer Säit géintenee verrechent, ergëtt sech fir d'ëffentlech Finanzen e positiven Impakt vun 254 Milliounen Euro am Joer 2026. Och hei mussen nach d'Impakter am ëffentlechen Déngscht mat evaluéiert ginn.

Am Fall wou, fir déi leschte Berechnung vum *Facteur de revalorisation* an der doraus bedéngter Berechnung vum *Facteur de réajustement*, just der Lounentwécklung am Privatsecteur Rechnung gedroe gi wier, géifen déi nei berechent Pensiounen vun der Pensiounskeess ab dem Joer 2028 ëm Ronn 0,4% manner héich ausfalen, an déi lafend Pensiounen vun der Pensiounskeess wieren op den 1. Januar 2026 och ëm dës Prozentsaz manner an d'Luucht gaangen.

Lëtzebuerg, den 9. Februar 2026

D'Ministesch fir Gesondheet
a sozial Sécherheet

(s.) Martine Deprez